

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YANG BERHORMAT TUAN NGA KOR MING [ TAIPING ]**

**TARIKH : 16 MEI 2016**

**SOALAN :**

**YB Tuan Nga Kor Ming [ Taiping ]** minta **PERDANA MENTERI** menyatakan satu per satu jumlah kos lawatan ke luar negara yang dibelanjakan oleh YAB. Perdana Menteri dan YAB. Timbalan Perdana Menteri sepanjang tahun 2014, 2015 dan 2016.

**JAWAPAN: YB DATO' SRI AZALINA BINTI OTHMAN SAID,  
MENTERI DI JABATAN PERDANA MENTERI.**

Tuan Yang di-Pertua,

Untuk makluman ahli Yang Berhormat, lawatan-lawatan rasmi dan kerja ke luar negara oleh YAB Perdana Menteri dan Timbalan Perdana Menteri adalah untuk menghadiri persidangan-persidangan antarabangsa serta untuk mengeratkan hubungan diplomatik antara Malaysia dengan negara-negara yang dilawati.

Semua perbelanjaan yang dibuat adalah merangkumi tambang penerbangan, penginapan, makan dan minum serta lain-lain kos berkaitan yang layak termasuk untuk pegawai-pegawai pengiring yang turut serta secara rasmi bagi menguruskan lawatan tersebut. Kos yang dibelanjakan ini adalah berdasarkan kepada kelayakan mereka sebagai Perdana Menteri dan Timbalan Perdana Menteri yang telah dibentang dan mendapat persetujuan Jemaah Menteri.

Sekian, terima kasih.